

溫疹溯源

上
冊

溫疹溯源

卷一

一
函

第 二 冊

序

吾甚惑夫本非必死之病。而病家醫家。汲汲求生。因以致死。且致死者。病非偶然。乃連村比巷。同氣相感。病者既肩相比。而死者亦踵相接也。如近年流行之溫疹。是已。其爲病也。四季皆有。而春夏爲多。男婦同膺。而童孺特夥。若在窮鄉僻壤。無力延醫之家。苟非發源極逆。率都勿藥有喜。而名城巨鎮。富家大族。病猶是也。而危亡偏多。其故何哉。一由於病家惶惑。乏主。日更數醫。試百藥。以致病情複雜。變症叢生。雖有

良醫亦難措手。一由於市醫對此不能探源法古通變因時。墨守元明以來醫書成法。自謂是症是方。確有所本。一誤再誤。全不知非。一由於洋醫視爲猩紅熱險症。以爲法在不治。冰枕冰袋。逼毒內行。重者立殞。輕者亦危。究之溫疹之在中國。本爲尋常時症。非必與死爲鄰。卽雜病所兼之癰痧惡痢。治之如法。均可應手奏效。胡致危之紛紛耶。蓋死於病者十不一二。而死於醫者。十嘗六七焉。吁。可憫已。辰州老醫高駿軒先生。懸壺以來。矻矻以闡明醫學爲已任。常集

生徒相講貫。探奧軒岐。導源仲景。所著如傷寒詳解。
脈理溯源等書。早經刊行問世。近以新撰痧疹探源
四卷。問序於余。受而讀之。見其開宗明義。直挾古聖
之真樞。竟委窮源。力祛時醫之膠柱。所列方劑。大都
得諸經驗。兼疏禁忌。猶恐誤入歧途。痧疹爲每歲所
恆有之症。卽是編爲今世不可無之書。亟慫恿付梓。
以廣流傳。不獨醫林得所參考。共識南鍼。卽病家家
置一編。臨時繙檢。亦免於亂投醫藥。吾知是書一出。
俾生民減輕夭札。則先生慈心仁術之所濟。其功不

亦大哉。惟是先生年七十矣。伏案掇管。非所能任。是書纂輯。全由先生口述。門弟子鈔錄而成。精義自爾顯明。文字容有未粹。讀是書者。幸勿以辭害意焉可也。是爲序。

中華民國紀元二十年四月中浣

瀋陽張之漢書於營川運署鏡帆樓

溫疹溯源序

余夙不知醫。近因體孱善病。不得不延醫調理。然於醫之良否。藥之眞贋。概不之知。以故獲效甚尠。後經友人介紹。辰州高君駿軒。服其藥。輒效。心竊異之。民國己巳秋。余司權辰州。與君時相過從。研精醫理。併得讀君所著之脈理溯源。傷寒註解等書。始知君之所學。皆胚胎靈素。浸潤長沙。殆於此道三折肱矣。不惟時醫不敢望其項背。卽方之古大家。亦未遑多讓焉。君祖居城北。葶蘿舖。並懸壺設肆於城中。每週往來城鄉間。問疾者趾踵相接。活人無算。昔范文正公有言。不爲良相。則爲良醫。吾謂高君之功。誠有高於良相者。宜乎遐邇知名。望隆山斗也。本年夏。孫輩患疹。余求治於君。君爲之製方劑。併出所著溫疹溯源。以相示。余披讀一過。不禁擊節稱嘆。是書編爲四卷。內分疹斑痧痧四種。首述

四症之起源。中敘四症之形狀及其變化。皆列有專方。終敘方中藥品。關於四症之性能。條分縷晰。朗若列眉。如家置一編。無論知醫不知醫。按症施治。決不至誤。夫疹科向少專書。高君博採羣方。加以數十年之經驗。著爲是編。誠醫林之指南。人道之福星也。遂急慫恿付梓。以救世。爰綴數語於簡端。以告閱者。民國紀元十有九年夏六月臨溟李心曾序於辰州權務官邸。

序

人生不能無病。有病必須延醫。病有輕重之別。醫有良庸之分。良醫治病。雖垂危可以回生。庸醫治病。雖尋常亦能致死。失之毫釐。謬之千里。要在延醫者慎辨之耳。余於民國四年夏四月。偶覺身體不適。延醫療治。初投以發汗之劑。旋又大補。後又大瀉。遂致病劇神昏。危險至極。爾時余正充奉天官銀號經理。前省長劉公海泉適任總辦。面荐辰州高駿軒先生。稱其治病神奇。且長於時令。遂請來奉。診畢。嘆惜以不敏辭。劉公問故。先生曰。此係內淫。毒在血分。當出疹癩。今被藥誤。氣血已亂。毒難外出。非奇方大劑不能回生。恐病家信之不堅。半途經他醫致死。反謂吾藥之誤。不可不慎。劉公力任之曰。請先生竭其術。雖死無怨。先生雖立方。先則一晝夜兩劑。次則一晝夜三劑。服至五日。先生診畢曰。

毒將外出。回生有望矣。從此頭面漸腫。身出紅痧。先生復增原方數量。金銀花用至二兩。南紅花用至八錢。桃仁用至四錢。日三劑。夜二劑。每劑各調安宮丸二丸服之。過三日。頭腫漸消。紅痧亦退。不旋踵竟占勿藥矣。噫。微先生吾病且死。其盛德爲何如也。然食先生惠者。不止吾一人。是年疹疾盛行。後聞彭君相亭子病白痧。王省長維宙子出瘟疹。李道尹香齋子女同染疹疾。樂廳長佩石女亦染疹疾。均經先生一藥而愈。始知先生之於疹疾。實在別有心得。故此編告成。亟懇惠先生付梓以救世。故叙救濟吾病之原委。以爲是編之佐證也。

民國十六年春三月。單有珍序於奉天東三省官銀總號。

溫疹溯源答問卷一

凡例

一是集總以疹疾爲本。至痺與癰痧。乃疹疾之並比者。又疹疾春日偏多。春之氣溫。故以溫疹命名。

一是集之言。多補前賢之未備。亦有證其謬妄者。凡觀是集。須於前賢不同處着眼。反背處加意。毫無臆度。盡是內經精華。余心之自得。後學者能曲暢旁通。則近岐黃之道矣。

一是集之言。從前毫無影響。並非愚凡所能知。不過以一隙之明。推求至極。天性頓開。授以明命。而有斯集之作。後人行其道者。務必誠意求之。至工夫純熟。自能加乎其上也。

一是集之作。曾許誓願。凡後人遵從。能以道德爲心者。天必加祐。以巧

詐圖利者。天必加罰。遠在兒女。近在自身。吾今告戒。莫待有驗而後悔也。

一遵是集者。凡用藥材。不可以賤代貴。以假亂真。如柴胡。茜草。白頭翁。澤蘭。藏紅花。羚羊角。犀角之類。多有假充者。須照卷四藥品辨別真偽。務必擇選用之。如故意以假圖利。天必報應。慎之戒之。

一前賢論藥性。但以某味分入某經。今則不然。重以形色數目。定其主應。以氣味分其功能。乃因數爲先天造化之本。五行之質。爲後天有形之始。凡物各秉其數。各依其形。某物有某數之性。所以生長葉幾歧花幾出。何形何色。永不錯亂。今將五行之數。大略言之。一六爲水。一生一成之數。二七爲火。一生一成之數。三八爲木。一生一成之數。四九爲金。一生一成之數。五爲土之原數。十爲土之總數。大造以數。

分合顛倒而生萬物。故各物之形隨之發現。然秉純數與二數三數並生者。皆可以數察之。若秉複數太多者。形色雜亂。雖不可以數論之。亦自另有取意。今不暇辨。余有所註之神農本草經。大觀註解。須參觀之。

溫疹答問目錄

卷一

答問疹類幾種

答問天災多非表邪論

答問天災幾種

答問時災

答問溫病原因

答問冬傷於寒之溫病

答問冬不藏精之溫病

答問溫病熱病暑病

答問淫溫

答問炭溫穢溫

答問病有勾引與傳染之二種

答問傷寒之理

答問傷寒中風之別

答問六經與營衛分屬

答問六氣之病

答問內淫之病

答問瘟疫

答問八風

答問雜氣

答問感冒

答問疹疾之理

答問疹疾幾種

答問自洩疹

答問驚疹

答問溫疹

答問火疹

答問風疹

答問毒疹

答問鬱疹

答問瘕疹

答問痲症之理

答問發癰之理

答問痧症之理

答問天災初病惡寒之理

答問疹疾咳嗽之理

答問疹疾腹痛之理

答問疹疾泄瀉之理

答問疹疾最忌攻發之理

答問疹疾慎用下藥

答問疹疾慎用石膏

答問疹疾忌食發物

答問內經遺熱之病

答問遺熱之理

答問復病遺病之理

飲料最宜之品

飲料最忌之品

穀食最宜之品

穀食最忌之品

肉品宜忌總論

海物宜忌總論

菜蔬宜食之品

菜蔬忌食之品

瓜果宜食之品